



Dyddiad: 22 Tachwedd 2022

Aelodau nôl ar waith ar lwyfan CFFI Cymru

Mae Mudiad Clybiau Ffermwyr Ifanc Cymru yn ymfalchio yn y ffaith ei bod yn sefydliad a arweinir gan aelodau, gan ddarparu rhaglen eang ac amrywiol sy'n rhan annatod o galendr ein cymunedau gwledig a datblygu ieuenctid gwledig ac mae ein Eisteddfod yn chwarae rhan bwysig yn hyn.

Cynhaliwyd Eisteddfod blynyddol Genedlaethol CFFI Cymru yn Ysgol Bro Gwaun, Abergwaun, ar ddydd Sadwrn 19eg o Dachwedd, dan ofal Ffederasiwn Sir Benfro. Daeth dros 600 o aelodau o bob rhan o Gymru i gymryd rhan yn y digwyddiad.

Bu'r aelodau'n cystadlu mewn llu o gystadlaethau gan gynnwys canu, adrodd, cystadlaethau adloniant ysgafn a nifer o gystadlaethau gwaith cartref mewn llenyddiaeth, celf a chrefft a ffotograffiaeth. Yn dilyn diwrnod llawn o gystadlaethau, Ceredigion oedd yn fuddugol yn y cyfan, gan fynd adre â thlws Mansel Charles, gyda 45 o bwytiau. Yn ail roedd Eryri gyda 43 o bwytiau a dyfarnwyd y trydydd safle i Sir Gaerfyrddin gyda 39 o bwytiau.

Aeth y Gadair i Eryri gyda Lisa Angharad Evans o CFFI Godre'r Eifl, yn ennill gyda'i cherdd ar y testun Llwybrau. 'Bardd sy'n gwybod gwerth canolbwytio ar un lleoliad ac un pwnc yn hytrach na cheisio cwmpasu tipyn o bopeth a tasgu i bob cyfeiriad,' yn ôl y beirniad, Ceri Wyn Jones. Dyluniwyd a chrewyd y Gadair gan Tomos Lewis, aelod o CFFI Sir Benfro a'i noddi gan Chwarel ac Olew Trefigin.

Mared Fflur Jones, CFFI Dinas Mawddwy, Meirionnydd oedd enillydd y Goron, a gynlluniwyd ac a grëwyd gan Eifion Thomas, Eifion Thomas Blacksmith. Darn o ryddieth ar y testun Llanw a Thrai oedd gofyniad cystadleuaeth y Goron eleni. Canmolwyd ei gwaith gan y beirniad Cathryn Gwynn, a chipiodd Mared y Goron 'am waith a ymatebodd i'r testun gydag amrywiaeth gwreiddiol a sglein.' Noddwyd y goron gan MDS Distribution Ltd.

Mae'r ddwy'n cyfri'r fraint hon o ennill prif wobrau'r Eisteddfod fel eu llwyddiant mwyaf a'u huchafbwynt gyda'r mudiad. Llongyfarchiadau i'r ddwy ddaeth i'r brig!

Aeth y wobwr gyntaf yng nghystadleuaeth y corau i CFFI Pen-y-bont o Sir Gaerfyrddin a enillodd Gwpan Dyffryn Tywi. Enillodd Dyfan Parry Jones o Faldwyn gwpan Arudwy am yr unawdydd gorau ac enillodd Teleri Haf Thomas, Brycheiniog Cwpan Eirlys Myfanwy Davies a'i theulu am ddod yn fuddugol yn y gystadleuaeth Sioe Gerdd. Aeth Cwpan Her Meter Iaith Sir Benfro ar gyfer y Parti Deusain buddugol i CFFI Penybont, Sir Gar.

Enwyd Erin Dwyfor Roberts fel yr unigolyn gorau yn yr adran llefaru ac enillodd Gwpan CFFI Cymru. Llywela Edwards, Clwyd enillodd gystadleuaeth y gân gyfoes a dyfarnwyd Cwpan Meinir Richards iddi am ei llwyddiant. Cafodd Cwpan Joy Cornock ei dyfarnu am y perfformiad mwyaf addawol yn yr Eisteddfod i Beca Dwyrdd, Eryri am ei pherfformiad yn yr unawd llefaru 16 neu iau.

Dyfarnwyd Tlws Undeb Amaethwyr Cymru Dinbych i'r Ffederasiwn buddugol yn yr adran Gwaith Cartref i Geredigion a tharian Elonwy Phillips am ennill y cystadlaethau llwyfan i Ffederasiwn Eryri. Roedd CFFI Cymru yn falch o weld pob un o'r 12 ffederasiwn yn cystadlu yn yr Eisteddfod eleni, 11 ohonynt yn cystadlu mewn cystadleuaeth llwyfan, a chafodd gyfle felly i berfformio o flaen torf a'u darlledu ar sianel deledu S4C.

Cafodd Shân Griffiths ei henwi'n Llywydd yr Eisteddfod, fel cyn-aelod o'r Sir gwesteio, CFFI Sir Benfro a chefnogwr i'r mudiad, oedd yn freintiedig i fod yno ar y diwrnod. Dywedodd yn ei hanerchiad i'r dorf, 'Yn anffodus, allwch chi ddim fod yn Ffermwr Ifanc am gyfnod hir, ond gallwch fod yn ffrind i'r ffermwyr ifanc am byth, ac mae hynny'n golygu'r byd.'

Dywedodd Cadeirydd yr Eisteddfod, Delun Evans;

MUDIAD CFFI CYMRU /CYMRU FFEDERASIWN CFFI

Datganiad Wasg CFFI Cymru / Wales CFFI Press Release



"Daeth y diwrnod mawr, ac roedd hi'n braf gweld popeth yn dod at ei gilydd ar ôl blwyddyn hir o drefnu. Aeth y diwrnod yn llyfn iawn a'r peth gorau i mi oedd gweld cymaint o aelodau, teuluoedd a chyfeillion y sefydliad yn dod at ei gilydd i gael gwledd o adloniant o safon uchel iawn. Diolch yn fawr iawn i bawb a gyfrannodd at y diwrnod mewn unrhyw ffordd, a diolch am y fraint o fod yn Gadeirydd yr Eisteddfod eleni. Pob lwc i Gwen ac Ynys Môn wrth iddynt fynd ati i drefnu Eisteddfod CFFI Cymru 2023 yn Ynys Môn!"

Hoffem ddiolch i bob un o'n noddwyr, stiwardiaid, barnwyr a swyddogion am eu gwaith caled a'u cefnogaeth wrth redeg digwyddiad llwyddiannus arall. Diolch i Ffederasiwn Sir Benfro am gynnal yr Eisteddfod eleni ac am eu brwdfrydedd yn y misoedd cyn y digwyddiad. Rydym yn edrych ymlaen i aelodau CFFI Cymru deithio i fyny i Ogledd Cymru'r flwyddyn nesaf gydag Ynys Môn yn gwesteio.

Mae holl ganlyniadau a lluniau'r Eisteddfod i weld ar [wefan Cffi Cymru](http://wefan.Cffi.Cymru).

Gallwch weld y newyddion diweddaraf am newyddion a datblygiadau o fewn CFFI Cymru, dilynwch ni ar Twitter, Facebook ac Instagram.

Nodwch fod yr erthygl yma wedi cael ei chyd-ysgrifennu gan Ella Jones (cynnig marchnata a chyfathrebu) a Nia Haf (Swyddog Datblygu Cymru) ar gyfer CFFI Cymru. Credydau lluniau hefyd yn mynd i CFFI Cymru

Am ragor o fanylion, cysylltwch â Ella Jones, Swyddog Marchnata CFFI Cymru a Swyddog Datgelu Cominar marchnata@yfc-wales.org.uk